



Australian Government

Department of Health

Tuáñr daktori epuáinmén óll rakóon

Korona vairás ór thaim ot, tuáñr baakaida daktori epuáinmén óll ot zoon zoruri, háas gorí zodi tuáñrtu lamba biaram aséde óile.

Yián aijó héfazot asé tuáñr daktori douya ré dehá goríbélla. Zehón tuñí tuáñr epuáinmén ólla zoo, tará tuáñre diyéde taalimat óll óre manizo. Yián ót cámil tákifare másk uggwá fiñdá (tuáñr douya ye tuáñre uggwá difare), tuáñr hát ókkol óre senitaíz goróon zehón foñsoor ar góloor ekkán alok dorozar tú.

Zodi tuáñrtu COVID-19 ór alamot ókkol táke, tuáñr sehét douya ré zanaido zehón tuáñr epuáinmén banoór. Aró taráre hoó tuáñr édinnar sofór ór baabote yá zodi tuñí COVID-19 aséde manúic uggwá loi taaluk goijjéde ó, Epuáinmén ót másk uggwá fiñdó ar yaad rakó oinno maincórta homot 1.5 mithar duré tákibellá hárr thaim ot mazé. Tuáñr hañc óll arde háñisani óll óre tuáñr kinkini loi kabár goró.

Durésehét ór epuáinmén óll

Durésehét epuáinmén óll óilde fún yá vidhu konferens loi sehét dekbal mocuwara óll goróon. Tará tuáñre dhaáil goríbélla arde tuáñr daktor loi hotá hoói bélla ejazot de tuáñr górot tu no neeliyóre. Tuáñrtu honó espicél sáman noláge, ar tuáñr fún noóile komputar estemal gorifaribá. Tuñí arde tuáñr douya ye sóbse beétor nezám fáisela goribóu tuáñr zorurot or estemal ollá.

Daktor óll, naás óll arde demaki sehét fecá ola óll é durésehét epuáinmén óll difare. Medikiyar kaádh ekkán loi durésehét hédmot óll ólla zehoníkka laayek. Tuánr daktor yó tuáñre daktori habos ekkán difare durésehét mocuwarar zoriya.

Tuáñr durésehét epuáinmén ór cómot tuáñr daktor ottú daktori habos ekkán dibellá zoruri óitfare. Daktor óll é daktori habos ekkán difare yá daktori digitel kopí ekkán difare tuáñr fosón ór fámesi ekkán ót tuáñr durésehét mocuwarar baade.

Górot dabai foñsoon

Tuáñr dabai óll óre tuáñr górot foñsái diya zaifare. Górot foñsái diya dasé ekkán bála ektiyar zodi tuñí alok táko, soktó biaram óll ót aró komzur ó, yá górot tákibellá fosón goró.

Tuáñr fosón máik fármesi ré koól goró yá tarár wébsáith ot cek goró tará yé górot dabai foóñsái de né ar ítarattu dabai íin esthók ót asé né. Tuñí onláin ót odhár gorít faribá yá fún or uore.

Zodi tuáñrtú daktori habos tákile, tuáñrtu yían óre póst goráforibóu yá honíkka re fármesit defeça foribóu ítara dabai foóñsai fare fán.

Zodi tuáñr daktor e daktori habos or digital kopí uggwá fármesit deféçáiye, fármesi yé daktori habos ot aséde thíkanat dabai difeçáibou.

Demaki sehét ólla hémayot

Korona vairas ór zoriya añára tákede torika ar añárar adoijja maicór fúañti kengóri thaim guzarir yáin bodoli zargói.

Pandemic dasé añárar fúañti bicí mác tákibou, ar yían bicí zoruri de añára nizor demaki sehét arde jisími sehét óre dekbal gorí.

Tuáñr dustó ókkol, fémlí, arde komunithi loi taaluk táko fún yá intarnét ór uore.

Zodi tuáñrtu daba, frecan, hóran, sinta yá guccá maásus lage, zano dé yían aám ar modot ollá nodo raiyó.

COVID-19 ór baabote aró maalumát

Yían bicí zoruri ofísári wasáil ókkol ór torfóttu hóbor di tákibellá. Health.gov.au ot zoo, Korona váiras Modot lain ot koól goró 1800 020 080 ot yá torjuma arde hotá báñgidouya hédmot 131 450 ot.